



**CONCILIO||RVM QVATVOR GENE=||ralium. Niceni.
Constantinopolitani. Ephesini. et Calce=||donensis. Que
diuus Gregorius magnus tanq[uam]|| quatuor Euangelia
colit ac veneratur.||**

Merlin, Jacques

Coloniae, 1530

VD16 M 4842

Iacobi Merlini Doctoris epistola nuncupatoria, Reverendissimis In Christo
Patribvs Et Dominis Meis Prestantissimis Stephano & Francisco Poncherijs
Senonensis, & Parisiensis ecclesie presulibus ...

[urn:nbn:de:hbz:466:1-72934](https://nbn-resolving.org/urn:nbn:de:hbz:466:1-72934)

CHALCOGRAPHVS

PIO LECTORI. S. P. D.



VVM NOBIS omnibus nihil salubrius sit lector Christiane, q̄ ea de facie agnoscere, ac fideliter obseruare, que ad bene pertinent beateq̄ uiuendum, tam generalia nunc quā etiam prouincialia, vetustissimorum (& quidem beatissimorum) Pontificū, patrūq̄ Concilia, ad communem omnium vtilitatem publicare curauimus. Quod etiam vt accurate fieret, plurimum huic studio vigiliarum impendimus. Nec immerito. Scriptū est enim. Interroga patrem tuū & annuntiabit tibi, maiores tuos & dicēt tibi. Et iterum. Quanta audiuimus & cognouimus, ea & patres nostri narrauerunt nobis. Illa potissimū suscipienda, que & sacro martyrum sanguine, & sanctissimorū sunt patrum testimonio confirmata. Illis igitur consentire, a quibus nemo bonus vnquā dissensit, nō solum laudabile & gloriosum, verum etiam salutiferum est ac plane diuinū. Quod christianissimus rex Franciē animaduertēs, voluit hęc Concilia cum priuilegio imprimi, vt debitus his ipsi honos exhiberetur. Tu igitur talem, tantūq̄ Regem imitatus, ac sanctorum patrum sequens vestigia, hoc tibi elaboratum Conciliorum opus non aspernare. Vale feliciter. Colonie ex edibus Quentelianis. Anno domini, M. CCCC. XXX. in Martio.

¶ Jacobi Merlini Doctoris epistola nuncupatoria,

REVERENDISSIMIS IN CHRISTO PATRIBVS ET DOMINIS MEIS PRESTANTISSI- mis Stephano & Francisco Poncherijs Senonensis, & Parisiensis ecclesie presulibus circumspectissimis, Iacobus Merlinus Doctor Theologus. S. P. D.



ACROSANCTORVM Conciliorum, orthodoxorūq̄ pontificum instituta, que partim dudum beatus Isidorus in vnum comportauerat, partim tu reuerendissime pater plumbo obfirmata publicanda dedisti, in vnum referre volumen non dissimulaui, conducibilius reipublice nihil fore existimans, quippe cum tam copiose, tāq̄ catholice singula que aut ad atterendos mortalium errores, aut ad instaurandum iam prope collapsum orbem preferant, vt facile nunc quisq̄ ad manum habeat, vnde hęreses & hereticos iugulet, elatos deprimat, voluptuosos defatiget, excitet torpentes, exinaniat ambitiosos, vulpes capiat paruulas, vineā ecclesiasticam demolientes. Si igitur posthac monstra a republica arcere, pellereq̄ quispiam contendat, quid prestantius lapidibus Dauid, quos hic Iordanis copiosissime subministrat: Si item votis esuriientium satulit: Si vero semitam & veritatis splendorem concupiscat, ex quibus optimo iure pellantur errorum tenebre, & procul abeant cum suis auctoribus, quid apertius patrum parentumq̄ sententijs, quas impellente sancto spiritu in hunc aceruū cōportarunt: Hic nempe velut ex prato floris uniuersis pleno, facile conceduntur, quecunq̄ ad rem conferunt ecclesiasticam, quecunq̄ ad comprimenda vitia, extinguendoq̄ concupiscentie ardores conducunt. Hic prestantissima margarita, mox (si paululum effoderis) occurret. Hic quoscunq̄ Demon suscitauit hereticos, iugulatos, confossos, prostratosq̄ intueberis. Hic rituum atq̄ orthodoxe ecclesie sacramentorum osiores, plagis impositis, semimortuos agnosces. Hic quo sponsi ecclesie iura tuearis, hic sponse libertates, & quecunq̄ reliqua que ad pacificum conuictum hominum conspirant, facile depro-

A ij mes

mes. Hic velut ad petram parvuli, Novatus, helchetaite, Sabellius, Cherintus, Neporianus cum Paulo famosatenos eliduntur. Hic scintilla Arriane perfidie ne magnū tandem preberet incendiū Fotinus itum, Eunomius, Hebion, Montanus prisca emoriuntur. Hic velut condensissima silua latitant orthodoxi, qui instar vrforum, Pelagium, Appolinarem Priscillianum, Nestorium & Cathaphrygas cū filijs hierico laniant, lacerantq;. Hic Eutices Manicheus, Acephali, Dioscorus, & Theodorus prosternuntur. Hic Seuerus aquilegiē gladio phinees iugulatur. Hic monothelite, mandibula asini deſtiuntur, hic Sergius, Pirrius, Macharius, velut vulpes paruule tenentur, hic Hussite perfidi, vvidefiste infani, & Bohemi apostate atq; schismatici, cū sua tota posteritate, vt singularis ferus, perpetuo feruntur anathemate. Hic regum & imperatorum tyrannis velut chamo & freno reprimuntur. Hic presulum & pontificum luxus coarguitur. Si desentiant principes, hic scincera pax latiat. Si de primatu disceptent presules, hic magni cōcilij angelus, proficiendum ceteris patefacit. Si pestilens zizania agrum dominicum labefactare incipiat, mox pariter excitatur euangelicus, qui in faciculos, incendio dandam colligere precipiat, quorum vīm atq; conditionem si semel degustauerint auctoritates illę supreme principum scilicet & pontificum, ecclesiasticam mox excitabunt potestatem, quę dudum a Basiliē cōcilio totiens commonita, vires resumere non valuit, excitata tandem brachium vibrauit, nec prius ab instituto manus reuocabit, donec olim perditam drachmam (veritatem dico vitę doctrine, & iustitię) inuenerit. Cum itaq; ex huiusmodi argumentis tam copiosum, vtileq; rei publice antidotum expectetur, vobis reuerendissimis patribus, qui verissimam cicatricem Christi tenetis, supremisq; studijs sanctā Hierusalem, sponsam Christi electissimam restituere, illustratq; pulsos omnibus errorū fucis, contenditis, hęc nostrum tantillum laborem, per vos rei publice offerendum, dignum duxi. Non parum mercedis me affecurū existimans, modo ex alumno vestro (cuius animū vix humeri sufferū) qualibuscūq; studijs (velut mel de petra, & oleum de saxo durissimo) argumenta proferatis, quibus a Gallorū sedibus pellantur hereses, refloreat veritas, inanesq; & nullius momenti cōtentiones euanescant. Accipite igitur optimi patres has nostras locubrationes rei ecclesiasticę, imo & toti orbi mea sententia profuturas, vnde docti, pariter & indocti in promptu habeāt quo delectentur quo se item aduersus pestilentes (nescio quorū hominum) rabies, iuuent, protegāt, tueantur, quo item cessent pariter & aputentur singula errorum seminaria, cedant bella paci, vnioni schismata, veritati error. Et luceat veritatis lumen in Syon, & agnoscat verus zeli caminus in Hierusalem Christus scilicet qui ventis, procellisq; rursus atq; iterum vtinam imperet.

